

Ang Halad Sa Pasko Ug Ang Pagtabok Sa Pulang Dagat

KATUYOAN: Sa pagtudlo nga may hingpit nga kaiuwasan sa iyang Cristo.

Panangitan ang Filipinas anaa sa pakiggubati! Ang mga kaaway nagapadala sa ilang mga sundalo ug ang atong siyudad pagabombahan. Tan-awa! Ania miabut na ang daku nga panon kanila. Pagdali, sulod sa tago-anan nga dapit! Maga-ampo kita nga sila molabay lamang ug dili ihulog ang ilang mga bomba. O tuod, milabay lamang sila ug kita nangaluwas!

Karon samtang kita magapanaw atong masayran kon sa unsang paagi ang mga katawhan sa Dios nangaluwas sa tulo ka klase nga kamatayon samtang sila nagapanaw diha sa *DALAN SA SAAD*. Ang katapusan sa imagi nga pagtulon-an nagapahibalo kanato nga didto sila sa Egipto-human sa kamatayon ni Jacob ug ni Jose. Sa panahon nga si Jose diha pa sa gahum walay mga kalisdahan ang mga anak ni Israel [kaliwatan ni Jacob] apan human sa iyang kamatayon lain na usab nga Faraon ang nahipuil sa trono. Tungod kay nahadlok siya sa kadaghan sa mga Israelitas sila iyang gilisdudisud. Exodo 1:8-22

Dili na mapas-an sa mga Israelitas ang mga alantuson mao nga nanagtuaw sila ngadto sa Dios. Exodo 2:23-25. Gitawag sa Dios si Moises aron sa pagpangulo sa iyang mga katawhan pagpagawas sa Egipto ngadto sa yuta diin iyang gisaad alang kanila. Atong lawgon nga *YUTA SA SAAD*. Gipakita sa Dios ang mga kahibulongang buhat pinaagi sa mga kastigo aron sa pagpaila sa mga katawhan nga Siya nagauban ni Moises. Basaha ang sugilanon sa mga kastigo ug bantaya ang kalainan sa mga pagtagad sa Dios taliwala sa mga Egiptohanon ug mga Israelitas. Exodo 7:8 - 11:10. Bisan pa human sa maong kastigo si Faraon midumili sa pagpagawas sa mga Israelitas.

Sa katapusan ang Dios naghatag kang Moises sa plano mahitungod sa pageablig ug dugo sa nating carnero sa balabag sumala sa ginasaysay sa Exodo 7 hangtud sa kapitulo 12 nga kinahanglan ang tanan nga mga Israelitas magatuman sa maon plano nga gisugo sa Dios ngadto sa ilang pangulo nga si Moises. Sa may tungang gabii ang Dios molabay sa taliwala sa Egipto aron sa pagpamatay sa *lanang panganay nga anak sa Egiptohanon, ug ang tanan nga panganay sa kahayupan*. Niadtong gabhiona hilabihan nga kamatayon ang miabut sa tibook Egipto ug daku kaayo ang pagminatay sa tibook nga kayutaan.

Si Faraon mihilak ug mituaw: "Pamahawa kamo!" Busa ang mga Israelinhon mingpanaw pinangulohan ni Moises. Ang mga Egiptohanon naghatag pa gani ug mga gasa kanila. Nangalipay sila nga namahawa kining mga Israelitas sa ilang kayutaan. Apan wala pa gani makaabut ang mga Israelitas sa halayo ang mga sundalo sa hari miapas na kanila kay nausab ang hunahuna ni Faraon ug siya nakahukom nga dili mahimo nga iyang papahawaon ang mga Israelitas. Sa atubangan sa mga Israelinhon

diha ang Pulang Dagat ug walay paagi nga sila makalatas sa maong dagat.

Si Moises miingon sa katawhan: "Ayaw kahadlok, dili kamo maglihok, ug tan-awa ninyo ang kaluwasan ni Jehova... si Jehova makig-away alang kaninyo." Exodo 14:13-15. Ug Gibayaw ni Moises ang iyang sungkod ug gituy-od ibabaw sa dagat; ang tubig nabahin ug ang dagat nahimong mamala nga yuta. Ang mga Israelitas nakalabang sa dagat nga walay kadautan. Ang mga sundalo sa Egipto nakatabok ba sa mao nga dagat nga walay kabilinggan? Nagtoo ang mga sundalo nga sila usab makatabok sa mao nga dagat apan sila nangalumos pag-abut sa tungatunga.

Ang Israel naluwas niadtong adlaw sa tuho ka kamatayan: 1) sa pagpatay ni Jehova sa mga panganay; 2) sa dagat; 3) gikan sa mga kamot sa mga sundalo ni Faraon. Nabuhat kining tanan tungod sa gahum sa Dios. Kita nga nagkinabuhi ilalum sa *LANDIGANAN SA GRASYA* (sa atong dibuho) may kaluwasan usab sa tuho ka kamatayan: 1) sa kalibutan; 2) sa unod; 3) sa mga kamot ni Satanas. Atong susihon kon sa unsang paagi ang atong kasinatian may kaamgiran sa kasinatian sa mga Israelitas.

Ang Egipto nagsimbolo sa kalibutan, ug moabut ang adlaw nga kini pagahukman. Ang Israel naluwas sa paghukom nga miabut sa Egipto pinaagi sa pagtuman sa sugo sa Dios, ang pagsablig ug dugo diha sa mga balabag. Kita usab mahilikay sa paghukom niining kalibutana pinaagi sa pagtoo sa dugo sa atong Ginoong Jesu-Cristo.

Ang unod mao ang daan nga pagkatawo nga maoy nakigbugno sa espirituhanon nga tawo. Ang mga Israelitas mingkaon sa mga niluto nga mga carnero aron mamaligon sila sa ilang pagpanaw. Kita gipakaon sa buhi nga tinapay [Ginoong Jesu-Cristo] pinaagi sa pagtoon sa iyang mga Pulong aron mamaligon kita sa atong pagpanaw niining kinabuhia.

Ang Faraon ug ang iyang mga sundalo mingbarug alang kang Satanas. Ingon nga ang mga Israelitas naluwas pinaagi sa pagkamasinugtanon kang Moises, ang ilang pangulo, kita usab maluwas pinaagi sa pagkamasinugtanon sa Pulong sa atong pangulo, ang Ginoong Jesu-Cristo. Pinaagi sa pagtoo atong gidaug ang pakigbugno diha sa kalangitan. Makabaton kita ug mga kadaugan batok sa mga pagsulay ug kalisdanan pinaagi sa pagsunod sa mga Pulong sa atong Pangulo. Kon dili nato tamdan ang iyang mga pulong, kita mangapukan ug dili makadaug.

Atong nakita nga sa tanang paagi ang kaluwasan sa Israel nagasalig lamang diha sa pagtoo ug pagsugot sa Dios. Gipakita sa Dios ang iyang gahum sa pagdaug. Ang imong kaluwasan gikan sa kalibutan, sa unod, ug kang Satanas nagasandig lamang sa imong pagtoo ug pagtuman sa Pulong sa Dios. Si Cristo, and aton Camero sa Pasko, gihalad tungod kanato. Imong tohan ug dawaton Siya nga imong bugton nga Manluwas, makabaton ikaw ug kinabuhing dayon.

SAG-ULOHAN : 1 Corinto 5:7b "Kay gihalad na sa Cristo, ang atong karniro sa pasko."

PAGTULON-AN 10 - PAGATUBAGON

1. Ang Israel misubay sa *DALAN SA SAAD* ngadto sa diin nga lugar? Exodo 1:1.

2. Ngano nga pagatawgon ang Canaan ug *YUTA SA SAAD*? Exodo 12:25.

3. Isulat ang 10 ka paghukom o kastigo nga gipadala sa Dios ngadto sa Egipto.
Exodo 7 hangtud kapitulo 12. 1) _____

2) _____ 6) _____

3) _____ 7) _____

4) _____ 8) _____

5) _____ 9) _____

10) _____

Ang Dios nagluwas sa iyang mga katawhan sa tulo ka mga kamatayon sa ilang pagpanaw gikan sa Egipto ngadto sa Canaan diha sa *DALAN SA SAAD*:

4. Exodo 12:12,13 _____

5. Exodo 14:22,23 _____

6. Exodo 14:27,28 _____

Kita naluwas gikan sa atong kaaway nga maoy mopatay sa atong lawas ug kalag. Aduna siya'y tulo ka paagi nga maoy iyang pagagamiton. Ang mga bersikulo sa ubos nagpahimangno kangto mahitungod niini.

7. Nga mitugyan sa iyang kaugalingon alang sa atong mga sata aron nga gikan niining dautan _____
sumala sa kabubut-on sa atong Dios ug Amahan. Galacia 1:4.

8. Kay mamatay kamo kon _____
ang mga binuhatan sa lawas. Roma 8:13.

9. Ang inyong kaaway nga mao ang _____ Nga nangitag iyang
matukob. 1 Pedro 5:8.

10. Isulat sa sinag-ulo ang 1 Corinto 5:7b _____

NGALAN _____

PINUY-ANAN _____

KUHA _____